

2026 жылғы 28 тамыз

ҚазМұнайГаз 3,5 млрд қытай юані көлемінде облигациялар шығарды

Биыл 26 тамызда «ҚазМұнайГаз» ҰК АҚ (ҚМГ) жалпы көлемі 3,5 млрд қытай юанімен номинацияланған (Dim Sum) еурооблигациялар шығарылымына өтінімдер кітабын жапты.

Бұл шығарылым ҚМГ-ға еурооблигация нарығында компания тарихында алғаш рет қаржыны ең төменгі құнмен тартуға мүмкіндік берді. Қаражат ҚМГ-ның ауқымды инвестициялық бағдарламаларын қаржыландыру үшін жұмсалатын болады.

ҚМГ көлемі 1,5 млрд қытай юані және жылдық 2,3% купондық мөлшерлемесімен бес жылдық облигацияларды (кірістілігі 2,45%), сондай-ақ көлемі 2 млрд қытай юані және жылдық 2,8% купондық мөлшерлемесімен он жылдық облигацияларды (кірістілігі 2,98%) орналастырады.

Moody's агенттігі аталмыш облигацияларға Баа1 кредит рейтингін берді, бұл ҚМГ-ның рейтингіне сәйкес келеді. Облигацияларды орналастыру 2026 жылғы 2 қыркүйекке жоспарланып отыр.

Еурооблигациялар шығарылымына дейін Гонконг қаласында екі күндік роуд-шоу ұйымдастырылып, оның барысында Азияның жетекші инвесторларымен кездесулер өткізілді. Инвесторлардың тарапынан сұраныс артқан кезде өтінімдердің жалпы көлемі 25 млрд қытай юанінен асып, облигациялардың жарияланған көлемінен жеті есе көп болды.

Бұл Қытай мен Гонконгтан тыс елдердің эмитенттері шығарған Dim Sum облигациялары тарихындағы ең ірі өтінімдер кітабы болды. Инвесторлар қатарында банктер, сақтандыру ұйымдары, хедж-қорлар және мемлекеттік инвестициялық қорлар бар.

Бірлескен жаһандық үйлестірушілер, букраннерлер және жетекші менеджерлер ретінде BOC International, Bank of China (Hong Kong), China CITIC Bank International, Industrial and Commercial Bank of China (Asia) Limited және Citi болды. Сонымен қатар қазақстандық жетекші менеджер ретінде Halyk Finance, ал бірлескен жетекші менеджерлер мен букраннерлер ретінде BOCOM International және Industrial Bank Co., Ltd. Hong Kong Branch қатысты.

Егжейлі-тегжейлі ақпарат мына сілтеме бойынша қолжетімді: <http://www.kmg.kz/>

Байланыс телефондары:

ir@kmg.kz

тел: +7 7172 78 64 34

«ҚазМұнайГаз» ұлттық компаниясы» АҚ туралы

«ҚазМұнайГаз» ұлттық компаниясы» АҚ (ҚМГ) Қазақстанның тігінен интеграцияланған жетекші мұнай-газ компаниясы болып табылады. ҚМГ көмірсутектерді барлау мен өндіруден бастап, тасымалдау, өңдеу және мамандандырылған қызметтерді көрсетуге дейін барлық өндірістік цикл бойынша активтерді басқарады. Компания 2002 жылы құрылды, еліміздің мұнай-газ саласында Қазақстанның мүдделерін білдіреді.

ҚМГ негізгі активтеріне мыналар жатады:

Барлау және өндіру: «Өзенмұнайгаз» АҚ (ӨМГ) – 100%, «Ембімұнайгаз» АҚ (ЕМГ) – 100%, «Қазақтүрікмұнай» ЖШС (ҚТМ) – 100%, «Өріктау Оперейтинг» ЖШС (ӨО) – 100%, Дунга¹ – 60%, «Маңғыстаумұнайгаз» АҚ (ММГ) – 50%, «Қазгермұнай» БК ЖШС (ҚГМ) – 50%, PetroKazakhstan Inc. – 33%, «Қаражанбасмұнай» АҚ (КБМ) – 50%, «Қазақойл Ақтөбе» ЖШС (ҚОА) – 50%, «Орал Ойл энд Газ» ЖШС (ООГ) – 50%, «Теңізшевройл» ЖШС (ТШО) – 20%, Қарашығанақ² – 10%, Қашаған³ – 16,88%.

Тасымалдау: «ҚазТрансОйл» АҚ – 90%, «Батуми мұнай терминалы» ЖШС – 100%, «Қазақстан-Қытай Құбыры» ЖШС (ҚҚҚ) – 50%, «МұнайТас» СБҚК ЖШС – 51%, Каспий Құбыр Консорциумы⁴ (КҚК) – 20,75%, «ҚазТеңізКөлікФлоты» ҰТҚК ЖШС (ҚТКФ) – 100%.

Өңдеу және маркетинг: «Павлодар мұнай-химия зауыты» ЖШС (ПМХЗ) – 100%, «Атырау мұнай өңдеу зауыты» ЖШС (АМӨЗ) – 99,53%, KMG International N.V. – 100%, Петромидия – 54,62%, Вера – 54,62%, «KMG PetroChem» ЖШС – 100%, «ПетроҚазақстан Ойл Продактс» (ПКОП)⁵ – 49,72%, «Caspi Bitum» БК ЖШС (Caspi Bitum) – 50%, «KC Energy Group» ЖШС – 49%, «Kazakhstan Petrochemical Industries Inc.» ЖШС (КРІ) – 49,5%, «Силлено» ЖШС⁶ – 40%.

Басқалары: «KMG Drilling & Services» ЖШС – 100%, «Oil Services Company» ЖШС – 100%, «Oil Construction Company» ЖШС – 100%, «Кен-Құрылыс-Сервис» ЖШС – 100%, «KMG Systems & Services» ЖШС – 100%, «Қазақ газ өңдеу зауыты» ЖШС (ҚазГӨЗ) – 100%, «ҚазРосГаз» ЖШС (КРГ) – 50%.

¹ Dunga Operating GmbH – 100% шоғырландырылған еншілес кәсіпорын, ол Дунга жобасы бойынша өнімді бөлу туралы шарттағы үлестің 60%-ын иеленеді.

² «ҚМГ Қарашығанақ» ЖШС – 100% шоғырландырылған еншілес кәсіпорын, ол Қарашығанақ жобасы бойынша өнімді бөлу туралы түпкілікті келісімнің 10% үлесін иеленеді.

³ «ҚМГ Қашаған» ЖШЖК – 100% шоғырландырылған еншілес кәсіпорын, ол Солтүстік Каспий жобасы бойынша өнімді бөлу туралы келісімнің 16,88% үлесін иеленеді.

⁴ Үлестің 19%-ы ҚМГ-ға тікелей тиесілі, 1,75%-ы Қазақстан Пайплайн Венчурс ҚБ бірлескен кәсіпорны арқылы тиесілі.

⁵ 49,72% - Valsera Holdings B.V. 50% иелену арқылы сатылатын жанама қатысу үлесі, ол өз кезегінде «ПетроҚазақстан Ойл Продактс» ЖШС (ПКОП) 99,43%-ына иелік етеді. ПКОП-қа қатысты Шымкент мұнай өңдеу зауытының өндірістік нәтижелерін бағалау кезінде өндіріске 50% қатысу үлесі ескеріледі.

⁶ Үлестің 29,9%-ы ҚМГ-ға тікелей, 10,1%-ы «KMG PetroChem» ЖШС еншілес кәсіпорны арқылы тиесілі.